

萬縣鄉土志

譚以火題



20280.2097


539

21-2



萬縣鄉土志

永古劉子安題



萬縣鄉土志目錄

卷一 序 歷史錄（一作沿革錄）

卷二 政績錄

卷三 軍事錄

卷四 耆舊錄

卷五 禮俗錄（篇七）

卷六 人類錄

卷七 地理錄附圖（圖說七）

卷八 物產錄

卷九 商務錄

萬縣鄉土志 卷一 目錄

一

嘉惠印刷館印行

萬縣鄉土志九卷乃光緒丙午應令而作初未  
印行茲覓得舊鈔本依原文印行其禮俗錄分  
圖說已亡矣與同治丙寅印行之范志合參皆  
萬志之沿革爾中華民國十五年丙寅十一月  
萬縣嘉惠印刷館附識

萬縣鄉土志序

萬縣隸夔府居翼軫分野鷄尾之次其地為禹貢梁荆之域萬在雲安西屬梁州分自漢胸忍羊渠以及前明凡更名者六併縣者一設郡者三置州者五在京師之西省會之東山川雄傑為楚蜀門戶閉關自治不仰給於人而能分其力以贍四邦固東川一都會也宋趙善穎志南浦書佚不傳方今百度維新變易舊軌急謀自治而基始於各愛其鄉此鄉土志所由作與謹就萬之往跡以求蘄合乎新政之急要文明發達萌芽於此蓋有數端按萬縣領土五百里幅

萬縣鄉土志

卷一序

一

嘉惠印刷館印行

員遼濶七通八達上接滇黔下聯武漢則可以築鐵路長江一線川原萬里聲息靈通電話四訖則可以擴郵政水陸交會帆檣櫛比百貨鱗集大利源源則可以建稅關人物都雅腦力充足教育易施進軌方適則可以興學堂風俗純厚獄訟寂息急於公義名譽自好則可以行憲法男勤女奮法律在心守禮衛生切於保守則可以教警察山川明麗飛潛游泳智識增闢羣學遠興則可以設公園農桑百技婦女照熙智慧勤敏一日千里則可以設工廠嗟乎夫人而不求自治則已夫人而銳於自治也一調查吾志

而鄉土在吾目為其次第行之以赴此未達目的為天然之基礎違俟外求哉夫中國居大陸其尚敦厚其弊也安常故艱於耕作甯獨萬縣為然考隋書蜀郡巴東山川重阻水陸所湊貨殖所萃其人敏慧輕急頗慕文學然多溺樂少從宦之士或至耆年白首不離鄉邑人多工巧貧家不務儲蓄富人專於趨利又宋史地狹而腴民勤耕鑿無寸土之曠又華陽國志江州以東其人半楚姿態敦重又南浦縣郡南三百里郡與楚接人多勁勇有將帥才信斯言也攷古之俗行今之政吾固知萬之可以有為也然而風氣為縣鄉土志 卷一序 二

嘉忠印刷館印行

甫開人懷觀望由此其選興也勃焉其進步之速又有執左券期之者願邑人讀斯志而寶存之勿自菲勿自陋則又修志之微意也夫

萬縣鄉土志卷一

歷史錄

虞夏時禹貢為梁州無考

周為巴國地春秋戰國皆同

秦為巴郡地

漢為巴郡胸忍縣地

後漢分胸忍置羊渠縣

蜀漢建興八年改羊渠為南浦縣屬巴東郡

晉宋齊梁均為南浦縣陳隋時漢已入魏

後魏改置魚泉縣

萬縣鄉土志

卷一 歷史錄

一

嘉惠印刷館印行

後周改置安鄉縣屬萬川郡

隋開皇十八年仍改置南浦縣屬巴東郡

唐改置萬州屬山南東道

五代仍名萬州屬山南道地入前後蜀

宋仍曰萬州領南浦武甯二縣屬夔州路

元至元二十年省南浦縣入萬州

明洪武四年省武甯縣入萬州六年始改州為縣

皇朝因之今仍為萬縣



萬縣鄉土志卷二

政績錄

晉

楊宗 華陽國志宗為安蠻護軍吳孫恢寇南浦宗  
退走之因為武陵太守誘卹武陵蠻

唐

嚴挺之 唐史挺之華陰人少好學資質軒秀舉進

士並擢制科為萬參軍政績見本傳 祀名宦

柏貞節 大歷初授夔萬等州防禦使制稱其雅有

器幹深于戎律杜甫寓夔時嘗分俸優禮之崔旰亂

萬縣鄉土志 卷二 政績錄 一

嘉惠印刷館印行

貞節率子弟起兵討旰故杜甫詩云柏公鎮夔門滯

霧滋一掃 祀名宦

鮮于旻 顏真卿鮮于仲通碑于萬州刺史旻雅有

父風作牧萬州政績尤異詔遷秘書監尋改牧巴州

杜甫有送鮮于萬州遷巴州詩

苗拯 舊郡志上黨人峭直有學術以諫議大夫貶

萬州 祀名宦

張造為萬州刺史秦宗權餘黨常厚竄萬州造力拒

之萬得以全 祀名宦

五代

石處温 九國志後蜀本傳處温萬州人同光中  
寇杜景温劫鄉豪殺縣令温與諸軍討平之孟昶授  
萬州刺史

宋

王宗望 宋史本傳宗望為夔州轉運副使庖卒未  
明作亂他軍繼起宗望自夔疾驅定之

程師孟 宋史本傳師孟提點夔路刑獄治萬州請  
建置常平倉粟適凶歲賑民不足即矯發他儲不俟  
報行之

魯有開 舊省志至和中和萬州誤本南浦太守政  
萬縣鄉土志 卷二 政績錄 二

嘉惠印刷館印行

寬民和人懷其惠暇日修西山池亭萃泉石之勝雜  
植竹木花果一時名賢相過游詠其中後之人各其  
地為魯池云 祀名宦

東莊 守南浦郡郡民瀕江者居室編茅火災屢作  
莊為易之瓦築水防表火道其害始息 祀名宦

劉源 舊省志源為萬州刺史漢有灘為舟楫惠源  
焚其石萍以醯石解灘平民德之 祀名宦

趙希況 舊郡志元豐間知萬州與范鎮張俞常唱  
酬於二詠亭三人齊名一州稱為盛事

王可道 舊郡志熙甯間以大理寺丞知萬州時旱

祈禱有感

張大中 舊郡志永陸進士紹興中為南浦令甘清  
苦勤民事時稱古廉吏歷官果州通判

馮時行 舊郡志字當可巴縣人紹興狀元與朱松

曾開等極言和議之非出為奉節縣尉知萬州公平

廉謹治甚有聲百姓愛之立祠以祀有縉雲集行世  
祀名宦

盧中式 舊郡志紹興間知萬州政和訟理祈雨剋

期而應

吳景偲 舊郡志巴陵人乾道中任夔州參軍勤密

萬縣鄉土志 卷二 政績錄 三

嘉惠印刷館印行

不懈實攝萬州有聲王梅溪贈詩有云為郎堪嘆為

唐老治郡聊施黃霸長

張賓 舊郡志慶元中知萬州有惠政加意造士時

郡士二人同年登第賓立桂花坊以表之

楊鼎年 朝野雜記武興之變知萬州楊鼎年避偽

去官

上官夔 為萬州守將元師取蜀開達洋川俱下獨

萬堅守年餘城破巷戰死之元將紀其事於天城石

壁

明

劉成 舊志洪武七年知萬縣草創之初制度未備  
多所建立人稱為賢令云

桂仲權 舊志洪武十五年知萬縣首建學校百廢  
具舉

郭子虛 舊志江西太和進士洪武中知萬縣政甚  
有聲邑人稱頌歷官廣西僉事有志作郭子虛

高溥 舊志歙縣人永樂中知萬縣愷悌愛民有古  
循吏風 祀名宦

徐熙 舊郡直隸霍邱監生成化中知萬縣蒞政公  
勤處已廉潔政聲遠著吏畏民懷

萬縣鄉土志 卷二 政績錄 四

嘉惠印刷館印行

龍濟 創修石城周五里餘民賴保障

竇祥 舊志河南祥符進士以御史謫知萬縣廉能  
剛介志意不隨惠政及民 祀名宦

楊湜 舊志雲南太和舉人正德中知萬縣刑清政  
舉士悅民安開藥局以惠民給棺槨以助葬民感其

德時稱循良 祀名宦

成敏貴 舊郡志湖廣石首舉人嘉靖中知萬縣廉  
慎公勤剛明果斷勤教養服叛蠻士民至今思之

唐燦 舊郡志嘉靖中任萬縣教諭勤學善誘捐俸  
以給貧士多賴陶成後陞福建平樂知縣

方登 湖廣潛江人萬厯間知萬縣遺愛碑記方君  
幾五載於茲初終一節憂在民窮勤在民事與在民  
利除在民害境內呼吸痛癢固弗關切宜民怙恃若  
父母云

李植 舊志湖廣黃岡縣舉人萬厯五年知萬縣廉  
能並著士民懷之召入為御史 祀名宦

毛羽健 舊郡志湖廣公安進士天啟間知萬縣三

載循聲大著調任巴縣去之日閭邑紳士父老祖道  
江干泣聲載道有去思碑累官御史

方元正 知萬縣時寇亂頻仍人至相食元正捐貲

萬縣鄉土志 卷二 政績錄 五

嘉惠印刷館印行

設粥全活甚眾

趙珂 舊志山西太原人鄔藍為亂餘黨安插臨江

事勢危迫又土漢兵輯集動費萬錢珂善經營無恐

賊平致仕歸 祀名宦

國朝

王貞一 省志江南太平恩貢康熙二年知萬縣耿

介自持恩威並著 祀名宦

鄭明清 舊志福建泉州舉人康熙十年知萬縣秉

志不阿勤敏民事訓課士子咸仰其德 祀名宦

龍麟錦 舊志廣東番禺舉人康熙十九年任萬縣

忠厚廉潔慈愛及民 祀名宦

張永輝 捐俸創修儒學義學名宦鄉賢崇聖等祠  
作養人才

劉乃大 捐俸修明倫堂創纂邑乘於學宮左側開  
便民池自舉人關引水入城今廢

陸錦 郡志江南長洲人署萬縣以昔年錢糧不滿  
千金試童不滿百人邇來額徵三千有零童生數百

應試詳請改為中學上憲批回當先由首縣增額錦  
方擬再詳適陞嘉定州不果閭邑感之立碑明倫堂

劉文華 創設養濟院贍給孤貧至今利賴

萬縣鄉土志 卷二 政績錄 六

嘉惠印刷館印行

梁文五 建修西山書院作育士子今廢

梁震 郡志江西太和縣拔貢乾隆三十九年任萬

縣明敏果決奸民猾吏聞聲斂迹民甚愛之

李重福 郡志山西解州拔貢乾隆四十七年任萬

縣勸農課士恩威兼濟閭閻聲稱不置

孫廷錦 乾隆五十三年大水城東南坍塌數十丈

廷錦募捐修復

劉大經 嘉慶二年白蓮教匪竄境多方應變全境

以安

王世燾 嘉慶四年防堵白蓮教匪民賴無虞今邑

中建設公樂堂歲撈浮屍是其所倡捐者

莊炯明 嘉慶十三年有投謀逆匿名揭帖於省者

時賢鄉望悉被羅織大府委文武員弁至邑嚴辦炯

明極陳其困力保無他事乃得寢

李璵 郡志雲南太和縣副榜嘉慶十五年任萬縣

惠愛及民捐俸以課士子遷陞之日閭邑衿士父老

祖餞聲稱藉藉

翟中策 縣治南岸市郭里馮家梁山洞險固羣盜

盤踞為民害役莫能捕中策督兵搗穴誅渠魁十三

人境內肅清

萬縣鄉土志

卷二

政績錄

七

嘉惠印刷館印行

宋大中 以勞瘁卒官貧不能返櫬邑人醵醇千金

貢生魏士良躬送其柩歸葬於磁州遍徵題咏刻之

名遺愛集

仇如玉 興利除弊教養兼施捐募鉅金分增書院

養濟院公樂堂各義舉去之日邑人祀之遺愛祠配

享宋大中

劉毓燿 山東清平縣舉人道光九年任萬縣公正

勤廉每聽訟必當堂書判人皆服其明允課士衛文

必親評校士多成就者在任未久懋著循聲

劉伯蘊 山東濰縣舉人道光十年任萬縣操守清

潔政事修舉士民懷之為作清德頌於高梁鋪道旁  
石壁

戴齊嵩 勤民愛士常微行訪邑中匪類訟師姓名  
榜諸石壁於是奸民斂跡四鄉勘驗僅用書役數人  
於民無累接見紳耆必訪民間利害書院課士親為  
指授士習民風為之一變云

興善 道光十九年邑中歲歉捐金界三里紳耆倡  
勸富家恤其佃戶周其附近極貧者四堡勸輸平糶  
邑民安堵作恆災救患頌刻石紀之

柴覲嶽 河南固始縣舉人道光二十年蒞萬縣被  
萬縣鄉土志 卷二 政績錄 八

嘉忠印刷館印行

服儒素食用節儉為治不尚嚴威務以德化民廉以  
律已人無敢干以私每課士生徒環繞口誦指畫如  
父兄教其子弟在任刑清政簡士悅民懷

甯憲 釐奸剔蠹吏役屏息幕友家丁無敢出宅門  
者在任未及三月以大吏過境供應不滿所欲撤省  
卒於成都萬人聞訃者泣賻其妻孥歸葬甯陽  
丁鳳皋 政刑修理城中無井邑多火災鳳皋捐募  
倡修利濟池五百餘丈畧因便民池故道引注泮池  
逸出宮牆外蓄水以備不虞民徇以蘇

彭名湜 為政寬而不弛時捐輸增廣文武學額湜

為詳請註銷暫廣為永增定額二名後任繼之於是  
比於中學自鄂垣數陷萬縣兵差絡繹皆給於官邑  
人因集二千餘金為太宜人壽謝而却之  
馮卓懷 為政猛以濟寬案無留積建修先農壇厲  
壇定訟費解費檢驗費捐募增萬川書院田畝賑水  
災設救火局義渡船增安懷所冬粥飭三里聯團弭  
盜利民之事無不備舉所訂安鄉政令大府亦飭各  
州縣通行口碑至今不衰

范泰衡 萬縣訓導振興學校不遺餘力邑中人文  
於斯為盛藍逆之亂與縣令余居寬協辦城防分堵  
萬縣鄉土志 卷二 政績錄 九

嘉惠印刷館印行

四鄉險隘合邑保賴卒獲安全厥功為鉅生平事業  
緣飾經術當道保知縣不就著有讀尚書易禮春秋  
四書各記刊行於世以子鳳陽知縣運鵬貴迎養歸  
里卒祀鄉賢祠

何肇祥 才識明敏工于辦賑光緒十八年大荒設  
廠施粥躬親督率內撫流氓外緝盜匪合境乂安後  
三甲土豪陳揚喜私鑄無敢近者勒差勇擒治辦如  
例盡罰其田產入官設字課培植文教至今稱之  
鳳全 為政尚猛直聲素著嫉惡尤嚴甫下車首強  
巨痞羣匪悚習同寅敬服不敢干以私舊俗婦女入

市及入廟觀劇者不禁自革民風為之一變

高縣鄉土志

卷二

政績錄

十

嘉惠印刷館印行

高縣鄉土志卷二終

萬縣鄉土志卷三

兵事錄

蜀漢 昭烈伐吳曾駐兵於縣西五里之天城山俗亦謂之天子城以昭烈名也

宋 德祐間元師取蜀攻萬州州守上官夔堅守不下相持年餘城破巷戰死元將紀其事於天城石壁明 崇禎時流寇張獻忠由武昌入蜀連陷夔府萬縣時總兵曾英守萬縣上游之湖灘險賊舟師不得進夾以步騎官軍遂潰其賊黨出沒縣境屠殺慘酷歷代未有

萬縣鄉土志

卷三 兵事錄

一

嘉惠印刷館印行

國朝 嘉慶三四年間白蓮教匪由東鄉竄入境德參贊殲賊於縣西康腦山官兵戰勝賊首徐天德於明月寨官兵朱某敗賊於康家壩冷把總擊賊於石門嘴市郭里二甲傅姓聯絡鄉人退賊於五間橋賊退烏龍寨官兵鄉勇追殺出境皆堅壁清野之功也咸豐十年滇逆入蜀藍大順二順及張周王郭諸逆皆將下竄萬縣北境戒嚴粵逆石達開由黔竄鄂將道利川圖蜀利與萬接壤縣南復急制府駱官保知縣余居寬訓導范泰衡與邑紳陳光熙會辦團練南防軟耳箐黑洞漢銅鑼關等處北防大岷口小岷口